

Yinznanz Giuhbwz Yen Cang'yozvei Guh Goeng'ik Sonlien Sawcuengh

云南丘北县壮学会举办壮文公益培训

8 nyied 20 hauh daengz 21 hauh, Yinznanz Giuhbwz Yen Cang-yozvei guh "coux Ngeihcib Daih Aendangj · hag vahcoj sawcoj · coicaenh minzcuz doxgiet" bi 2022 geiz daihhaj ban goeng'ik sonlien Sawcuengh. Samcib lai boux beixnuengx Bouxcuengh Giuhbwz Yen、Sihcouz Yen caeuq Yensanh Yen doxcomz giz ndeu, dingq lauxsae Luz Swngnyungz gangj baenzlawz sij Sawcuengh daengj, caiq eu fwen Vahcuengh dem. Baez hozdung neix langhbaj le vwnzva cienzdoengj minzcuz, bang gyoengqvunz engq ndei bae aeu Sawcuengh geiq fwen、vahsug、gojgaeq caeuq raiz saw, coicaenh raxgouq、henhoh、ciepcienz caeuq yenzgiu Sawcuengh Vahcuengh.

(Vangz Fung/王凤 Hoz Gizvah/何菊花)



▲Gyoengq beixnuengx doxcomz giz ndeu hag Sawcuengh.

Hoz Gizvah ingj

Yizcouh: Youz Hawhaemh Ra Hong Guh

宜州：逛夜市，找工作

Mboengqneix, doengh aen dan "haw doengxhaemh ciu vunz" youq henx Dahlungzgyangh baizlele, vunz caenx dwk ndaet raixcaix. Neix dwg Hozciz Si Yizcouh Gih doengxhaemh guh haw ra vunz guhhong. Yienhciegz miz faq ciengz "dajgaj"、diemq gaijyou couhnieb caeuq gwnzmuengx cigboq daengj, yinx le haujlai bouxcoz "dajgaj" ra hong. Baezgonq, aen gih neix gaenq guh le sam ciengz hozdung yienghneix, gungh caetcih lai aen giyez camgya, miz song-cien lingz cibsam aen vihhong, gaenq bang betbak ngeihcib lai vunz ra ndaej hong. Baez-laeng, Yizcouh yaeq laebdaeb yienghneix guh, bang doengh boux lwghag ngamq bizyez haenx couhnieb.

(Vuz Yinzfeih/吴银飞
Vangz Yaujleij/王晓磊 Veiz
Genginh/韦建军)



▲ Bouxrahong youq aen diemq
gaijyou couhnieb raiz gij nyapnyuk
ndawhoz. Veiz Genginh ingj



▲Bouxgagnyienh bang bouxndaemmak mbaet makit.

Sanhgyangh Canjnieb Miz Daegsaek Cukmaenh Goekdaej Saenqhwng Lajmbanj

三江特色产业筑牢乡村振兴根基

"Lajmbanj fouq mbouj fouq, couh aeu yawj canjnieb". Geij bi neix, Sanhgyangh Duncuz Swciyen Doujgyangh Cin haeujaeg guhsaed aen gunghewngz "sam suen sam gih", gunghanq canjnieb miz daegsaek, maenhsaed guhbaenz guhhoengh canjnieb lajmbanj. Lumj Mbanjsw' ouh ndaem youzcas, guh'ok "mbanj ndeu canjnieb ndeu、binjbaiz ndeu", daiqdoengh canjnieb miz daegsaek dauqsawq haiva, vunzmbanj ndaej demsou、miz hong guh, mboujduenh cukmaenh goekdaej saenqhwng lajmbanj.

(Liengz Siumingz/梁秀明 Cangh Genmingz/张建明)

Doengh Aen Sizyenziz Cauhmoq Daegsaek Cungh Siujyoz Gih Raeuz Youq Yozgyauhvei Oknaj

我区中小学创新实验室亮相学交会

8 nyied 19 daengz 21 hauh, Gaiq daih ngeihcib roek aen hoih gaicawx doxgaiq lwghag yungh gozci Namzningz caeuq aen hoih bozlanj gozci gyaufuz Cungguk · Dunghmungz (Namzningz) bi 2022、gaiq daih cib'it aen hoih langhbaj doxgaiq son-

◀ Daeg lwghag ndeu langhbaj
baenzlawz guh sej liengjeijyouz.

gyauq Guengjsae youq Aen Cungsim Veicanj Gozci Namzningz haiguh. Gwnz hoih, aen langhbaj yienghndei sizyenziz cauhmoq miz daegsaek cungh siujyoz gak dieg gih raeuz yinx daeuj haujlai vunz comzyawj. Lumj guh diuzngaih、"naedhaeux baenz veh" Bouxcuengh、liengjeijyouz daengj. Neix langhbaj le ndwenngoengz lwghag lai yiengh, lij ciepcienz vwnzva cienzdoengj ndei.

(Yiz Sienghceenz/喻湘泉)

